



Nyina wa Cege nĩ mendanĩte mũno na mwarĩ wa nyina. Mwarĩ wa nyina ũcio akoragwo kũraihi hanini na gwaa Cege. Nĩ makoretwo mataranĩirie gwa kahinda. Nyina wa Cege nĩ areciririe atũme Cege mena mwarĩ wa nyina magacerere tata wao.





Nyina wa Cege nĩaramaharĩirie nĩguo mambirĩrie rũgendo. Nyina nĩ aramekĩrĩire indo kamũhuko-inĩ matwarĩre tata wao. Ningĩ nĩ aramaheire mbeca cia kũgũra indo cia nduka.





Nyina wa Cege nĩaramaharĩirie nĩguo mambirĩrie rũgendo. Nyina nĩ aramekĩrĩire indo kamũhuko-inĩ matwarĩre tata wao. Ningĩ nĩ aramaheire mbeca cia kũgũra indo cia nduka.





Cege na mwarĩ wa nyina nĩ marambĩrĩirie
rũgendo rwao. Cege nĩwe ũrakuire muhuko
tondũ nĩwe mũkũrũ. Mwarĩ wa nyina nĩ arathire
akĩmũteithagia. Njĩra-inĩ nĩmaracemanagia na
andũ aingĩ.





Nĩmarakinyire handũ hararĩ na karĩma kanini na rũĩ. Rũĩ rũrũ nĩ rũkoragwo na ndaraca. Ndaraca ão ndĩakĩtwo wega na nĩ ãnainaga. Mwarĩ wa nyina na Cege nĩ araignire guoya mũno marĩ igũrũ rĩa ndaraca.





Mathianga hanini nĩmaronire mūtumia ũrakuĩte mwana. Mwana ararĩ mwena wa mũgongo. Ararĩ na mũrigo aragĩrĩire mūtwe na ũngĩ aracuhĩtie guoko. Mūtumia ũcio nĩ aronekaga arĩ mũnogu mũno.





Cege nĩ arageithiria mūtumia ũcio na gĩtĩo.

Nĩaramũiririe kana no mamũteithie gũkuua mũrigo ũmwe. Mūtumia nĩ aretĩkĩrire. Mwarĩ wa nyina na Cege nĩ aramũteithirie.





Marĩkia kwambata karĩma mũtumia nĩ arakinyire
gwake. Nĩ aracokeirie Cege na mwarĩ wa nyina
ngatho. Rũgendo rwaa Cege nĩ rũrathire na mbere.
Gwa tata wao ti kũraihi mũno kuuma hau
karĩma-inĩ.





Harĩ gataũni kanini karĩ o hau karĩma-inĩ.
Nĩmarathire nduka-inĩ na maragũra indo iria
marerĩtwo magũre nĩ nyina. Nĩmarakinyire
gwa tata wao o wega na marakenanĩra mũno.
Marĩa nĩ maraumire nja na ciana cia tatawe
gũthaaka. Ithako nĩ rĩragĩrire mũno nginya Cege
marariganĩrwo atĩ nĩ magũcokaga mũciĩ.





Nĩ tata wao ũrametire. Nĩ aroire mũhuko wao
na aramekĩrĩra igwa na matunda. Thutha ũcio nĩ
marauganĩire ũhoru na marambĩrĩria rũgendo.
Mathaa mararĩ mathiangu na kuoguo marambirĩria
gũthiĩ na ihenya.





Mathianga nĩ kũrambĩrĩrie kuura mbura nene.

Cege nĩmarateng'erire mũno nginya marakinya rūĩ-inĩ. Matinakora ndaraca tondũ ĩrarĩ ĩkuĩtwo nĩ maĩ ma mbura. Mamakĩte nĩ maronire mũtumia ũrĩa magũteithĩtie mũrigo rūciinĩ, nake aramamenya.





Mūtumia ũcio nĩ arathire nao gwake na aramakĩria mwaki maraniara. Ningĩ nĩ aramaheire ũcūrũ mũhiũ. Aramerire atĩ nĩ makūrara tondũ no kũrauraga na nduma ĩrarĩ yambĩrĩria kũgĩa. Nĩaramaheire irio njega na aramonia ha gũkoma.

